

Distantzia	Desnibela	Iraupena	Tipologia	Zedarriak
<b>5,2 km</b>	<b>170 m</b>	<b>1h45</b>	<b>Itzulia</b>	<b>PR seinaleak</b>

Baionako ekialdean, zoaz Ametzondo merkataritza gune inguruetara (A64 - Pauera buruz), eta segi Hiriburu-Urruzpurura buruz (D635). Urruzpuruko biribilgunean, hartu laugarren irteera, D22 errepidea Hazparnera buruz. Autoz igan ezazu errepidea 3 km-tan Hiriburuko ateratzeko bide-seinaleraino; eskuin aparkaleku bat baduzu errepide bazterrean ("Bazterrak ezagutzeko bidexka" idatzia da).

GPS datuak : **UTM : 627358 - 4812372 Lat/Long : 43.45341/-1.42587**

Ilbaldi aberatsa Hiriburuko gaineran, Artagako ibar fresko eta hezeko zuhaitzak eta landareak hobeki ezagutzeko. Lapurdiko Amazonia ttipia ezagutuko duzu, eta ikuspegi zabalez gozatuko mendixetako argia beriz atzeman ondoan.



**1. ZATIA > Artagako haran ttipira jaustea**


UTM : 627358 - 4812372

Aparkalekutik, informazio seinalearen gibelean jaisten den bazterrak ezagutzeko bidexka har ezazu. Oihanean sartzen da (arbolen identifikazio puntuak) eta pentze bateraino jausten; bertan, ibilbideak segitzen du, eskuinean kokatzen den bidexkatik. Hartu ezker T puntuan, pentzearen beheko aldetik pasatzeko. Artagako iturrian (markatua), has zaitetz jausten eskuineko bidexka zabaletik (hezea) ur-xirriparen bazterrean.

**2. ZATIA > Artagako eta Larregiako errekek**

UTM : 626952 - 4811944

Atexkan (hestekoa), Artaga errekekaren ezker aldetik pasa zaitetz eta berehala segi ezazu ur-bazterreko eskuineko bidexka. Ur jauziak luzatzen ditu eta lauzatxo batzuk lagunduko zaituzte gune hezetsuak trebesatzen. Beherean, erreken bateragunean, Larregiako erreka segi ezazu ezkerretik eta, errekekako ezker aldean egonez beti. Informazio taulek erakustera ematen dituzten arbola hostotsuen mota handia prezia ezazu. Laborantzako ur-hartze gunea pasatu ondoren (atexka batzu pasatu behar dira), erreka bazterreko bidexka platano baten azpian adarkatzen da.



**3. ZATIA > Hirumugetara beriz igatea**

UTM : 626152 - 4811625

Platano baten oinetan, utzi Larregia erreka eta igan ezker, dagoen bidexka bakarretik, bi hesiren artetik. Muino batean barna iragaten da, haritz ederren azpitik. Jauste baten ondotik, zur-sare baten bidez erreka ttipi bat zeharkatuko duzu, eta xendra eskuin doa iratzeak diren argi gune batera heltzeko. Bidexka harriztatu batera helduko zara, igan zaitetz ezker, beste muinora. Zuhaitz bakartian, Larrun ukanen duzu gibelean; segi iragaten zuzen bide nagusitik (ihizi gunea).

**4. ZATIA > Hirumugetatik Elorrimendiko bistalekura**

UTM : 627508 - 4811419

Eskuinerako bihurgune ttipian, lehen etxea ikusgai denean, arretaz ibil zaitetz bidetik ateratzeko eta ezkerreko bidexka belartsura sartzeko hesi bazterrean. Tentsio handiko linea azpitik iragan zaitetz, jauts ibarxkara, eta igan beste alde-ara pentze hegitik (etxea). Bide mundrunatua segi ezazu eskuinetik, bidegurutzeraino: biziki kasu eginez zeharka ezazu bidegurutzera, eta zoaz D22 errepide bazterretik 50 m-tan, eta segi eskuin Ahurtira doan D257 errepidea. Laster, 1881. etxearen parean, igan bidexka harriztatutik ezker. Gero urtegiaren ezkerretik iragan zaitetz, Elorrimendira heltzeko.

**5. ZATIA > Elorrimenditik aparkalekura**

UTM : 627663 - 4812030

Elorrimendiko orientazio mahaitik, jauts pinuen azpira (mahaia), eta zoaz bidexka zuzenetik eskuin, antena igorgailua jomagan ukanik. Utz ezazu eskuin 1813ko guduaren tontorra (Mugerreko ezmila-dorrea ageri da) eta jauts bi bihurgune. Beherean, segi antenen ezkerretik (ez segi GR seinaleak), erdi mundrunatua den bidetik. Bi etxeak iragan ondoan, kasu eginez zeharka ezazu D22 errepidea eta aparkalekura helduko zara.

**INTERESGUNEAK**

**❖ San Joan iratzea (0,7 km)**

San Joan iratzea iratze handia da, biziki gune hezeetan atzematen dena, adibidez, Artagako ibarxkan. Urtero San Joan iratzea beriz sortzen da lurpeko errizomatik eta bere frondeak (landare organoak, hostoaren eginkizuna duena palmondo eta iratzeentzat) 2 m luze izan daitezke. UTM : 627082 - 481193



**❖ Ametza (2,6 km)**

Haritz mota berezia da ametza, Pirinioetako haritza ere deitua (quercus pyrenaica), Atlantikoko espeziea baita, bereziki Landetan eta Pirinio Atlantikoetan atzeman daitekeena. 10-15 m gora da gehienik; silizio-lur argitsuak gustuko ditu. UTM : 626906 - 4811392

**❖ Elorrimendi (4,4 km)**

Napoleonon eta Wellingtonen tropen arteko 1813ko gudua gibelean gunetik hurbil, Elorrimendi leku lasaia da eta ikuspegi zabala bada bertatik Artzamenditik Jaizkibelera. Orientazio mahaiaren ondoan, Galurretako bideko mugarri zaharra bada, "toise" neurrian graduatua (Frantziako Lehen Inperioa). UTM : 627663 - 4812030

**ARRETAZ IBILTZEKO LEKUAK**

- Bidegurutzera zeharkatu eta D22 errepidean ibili 50 metroz UTM : 627858 - 4811828
- Errepidearen zeharkatzea UTM : 627344 - 4812438
- Kasu: euri bortitz biharramunetan hobe da ez joatea, ibilbide lohitsu-egiak saihesteko

**EKIPAMENDUAK ETA ZERBITZUAK**

- Elorrimendi muinoa, piknikatzeko mahaia: 4,4 km UTM : 627633 - 4812076

# Ibilbideen erabilbidea

## ZAILTASUN MAILEN ADIERAZLEAK

Oinezkoen mendi ibilbideak zailtasunaren arabera sailkatuak dira zirkuitu bakoitzaren fitxa praktikoan.

Gisa horretan, Oinezko Ibilaldien Frantziako Federazioaren gomendioak jarraitzen ditugu.

**Oso erraza:** 2 oren baino guttiagoko ibilaldia.

Familian egiteko arras egokia, bide ongi markatuetan.

**Erraza:** 3 oren baino guttiagoko ibilaldia.

Familian egin daiteke. Bidexka batzuetan pasagune zailxeagoetan pasatuz.

**Ertaina:** 4 oren baino guttiagoko ibilaldia. Ibiltzeko ohitura duten ibiltarientzat. Batzutan kirol mailako lekuetan edo desnibela duten maldetan.

**Zaila:** 4 oren baino gehiagoko ibilaldia. Ohitura duten ibiltari

kirolarientzat. Ibilbidea luzea edota zaila da (desnibelatua, pasagune korapilatsuak).

## MENDI BIZIKLETAZKO IBILALDIAK:

**Oso erraza:** bide zabala eta gurpiletako egokia; 300 m baino guttiagoko desnibela.

**Erraza:** gurpiletako nahiko egokia den bidexka; 300m baino guttiagoko desnibela.

**Ertaina:** bidexka teknikoak, 800 m baino guttiagoko desnibela.

**Zaila:** bidexka oso zaila, 300 eta 800 m arteko desnibela.

## DESNIBELA

Fitxetan agertzen den desnibela, goera guziren gehiketa da.

## IBILALDIAREN IRAUPENA

Zirkuitu bakoitzarentzat emana den iraupena gutxi gorabeherakoa da. Kontuan hartzen ditu ibilbi-dearen luzetasuna, desnibela

eta izan litezkeen zailtasunak. Ibilaldi denbora geldialdirik gabe kalkulatu da.

## PR® LABELIZATUAK DIREN IBILBIDEAK

Label horren bitartez, Oinezko Ibilaldien Frantziako Federazioak onesten du oinezko ibilbide andana bat, kalitate irizpideen arabera. Hautua egiten da, plazer irizpideen, irizpide teknikoan, turismo eta ingurumen irizpideen arabera (informazio gehiagorako: [www.ffrandonnee.fr](http://www.ffrandonnee.fr))

## GPS DATUAK

Abiapuntuaren datua, latitude/longitudetan ematen da, zure ibilgailuaren GPSan sar dezazun. Gainerako datuak (ibilbi-dearen geldiguneak) UTM datuetan emanak dira. Hona erreferentziatzeko formatua: WGS 84 - UTM 30T

## ZEDARRIZTATZE ITUNA

Hemen aurkezten dizkizugun bidexkak oinezkoen ibilbideak dira (PR®) eta horiz markatuak dira. Halarik ere, bide zati batzuk ibilbide luzeekin (GR) batera litezke; eta kasu horietan, marka zuri-gorri jarraitu beharko zaizkie. Ibilbide fitxetan zehaztuko zaizu hori.

	PR TOKIKO BIDEXKA	GRP® TOKIKO IBILBIDE LUZEA	GR® IBILBIDE LUZEA	VTT BIDEXKA
Norabide ona	—	—	—	▲
Itzul ezker	└┐	└┐	└┐	◀
Itzul eskuin	┐└	┐└	┐└	▶
Norabide okerra	✗	✗	✗	✗

# Jokamolde egokiak mendi ibilaldietan

Ipar Euskal Herriko bidexketan ibili nahi bada, natura errespetatzen duen jokamoldea izan behar da, baina baita lurralde hori biziarazten duten emazte eta gizonak errespetatzen dituen jokamoldea ere. Horretarako, garrantzitsua da arau batzuk errespetatzea.

## Abiatu aitzin, presta zaitez

- Ez zaitezela abia beharrezkoa den materialik gabe (mapa, ura, jantzi egokiak, etab.).
- Ez zaitezela bakarrik abia edo, hala eginez gero, hurbileko bati edo herriko etxeari jakitera emaiozu (zenbait lekutan telefono sarerik ez da eta ezin atzema bilaka zaitezke).
- Erreketako ura ez ezazula edan eta ez zaitezela honetan baina.
- Eguraldiari buruz informa zaitez, erabat alda daiteke. Jakinean izan zaitez garai hauek: lur-erretze, ihizi, oihan-lanetako eta abar.

## Natura zain ezazu

- Zakua har ezazu zure hondakinak eramateko.
- Abereak urrunetik eta isilik beha itzazu.
- Basalorerik, baiarik edota onddorik ez ezazula bil baimenik gabe.
- Lekuan emana den seinalea errespetatu ezazu eta zaude bidexka zedarriztuetan.

## Laborantza eta artzaintza aktibitateak errespetatu itzazu

- Autoan ibil zaitez emeki abere taldeetatik hurbiltzean.
- Autoa aparka ezazu horretarako antolatutako diren lekuetan, zirkulazioa ez trabatzeko
- Ez zaitezela ibiltzera joan zure zakurrarekin, bestela, loturik atxik ezazu.
- Xeilak hets itzazu, handik pasa ondoan.
- Ibilbideen gaindi dauden jabego pribatuak errespetatu itzazu.
- Libre diren animalengandik urrun egon zaitez eta ez itzazula bazka.
- Ez ezazula surik eta barbakoarik pitz.
- Kanpa ezazu baimenduak diren guneeetan bakarrik.

## Zure hondakinaren kudeaketa

Zure ibilaldietan, hondakinak zure bizkar-zakuan atxiki itzazu. Etxerat heltzerakoan, hondakinak bereiz itzazu eta bigarren bizi bat ukan dezakete!

## ZENBAKI BALIAGARRIAK

- Météo France:  
08 99 71 02 64 edo 32 50  
edo [www.meteofrance.fr](http://www.meteofrance.fr)

- Sokorriak: Larrialdietarako zenbakiak: 112 - SAMU 15 - SUHILTZAILEAK 18



## ZURE IRITZIA GURE BIDEXKEI BURUZ

Proposatzen dizkizugun ibilbideak arreta handiz landu ditugu. Zure irudipenak eta oharrak gure bidexken egoerari buruz interesatzen gaituzte, eta bidexkak egoera onean atxikitzeko aukera ematen digute. Gonbidatzen zaitugu edozein arazo edo ohar baliagarri jakinaraztera: [sentinelles.sportdenature.gouv.fr](mailto:sentinelles.sportdenature.gouv.fr)

## HELBIDE BALIAGARRIAK

Euskal Elkargoko Turismo Bulegoa: Turismoko harrera bulegoak:

- AHURTI : merkatuko plaza  
+33(0)5 59 56 24 65
- BIDAXUNE : pilota plaza  
+33(0)5 59 56 03 49
- HAZPARNE : Donibane plaza  
+33(0)5 59 29 62 02
- BASTIDA : Pilota plaza  
+33(0)5 59 56 03 49

## PROFESIONALAK

Brebetadun profesional eta animatzaile anitzek laguntzen zaituzte ezagutuak diren bidexketatik kanpo. Haien zerbitzuak gozatzeko, harremanetan jar zaitez Euskal Elkargoko Turismo Bulegoaren turismoko harrerako bulegoarekin.